

Athör cī Paulo gät kɔc Roma Wēt nom

Athör Paulo tēnē kɔc Roma ē gēt rin bī ke lēk lɔn cī yen ye guir bī akut kɔc cī gam Roma la neem. Ee cī Paulo guir bī lōk la rēer bī luui kam kɔc cī gam tētui, ku bīk jāl kuɔny dhöl bī la Ithpania. Acī gēt bī kɔc cī gam Roma tēt kē ŋic rin gam, ku tē ye gam pīr kɔc cī gam luɔi thīn. Athör kēnē ala yic wēt ril yen gēt Paulo athöör rin Wēt Puɔth Yam.

Wēn cī yen akuut kɔc cī gam Roma muöth ku lēk ke lɔn ē yen rōök rienken, ku jɔl göc wēt lēk ke älä, “Wēt Puɔth Yam aye nyuɔth tē ye Nhialic kɔc kuɔny thīn bīk la cök yenhom.” Ku kēnē aye Nhialic jɔk ku rēer thīn kēya rin gam ē raan, cimēn ye athör thēer wēl Nhialic ye lueel älä, “Ku raan la cök Nhialic nom abī pīr ē gam.” (1:17)

Ku jɔl Paulo ē göc kēnē teet. Raan ēbēn, kɔc Itharel ku kɔc cie kɔc Itharel, aa dhil la cök tēnē Nhialic rin keek ēbēn aatō adumuööm yic. Kɔc aa la cök tēnē Nhialic tē gēm kek Jethu Krītho. Ku ben Paulo män rot kek Jethu raan cī lɔc ku dɔc, yen pīr ē yam teet, lɔn raan cī gam ala dōör ke Nhialic. Ku aye Wēi Nhialic bēēi bei riēl adumuööm yic ku thou. Cökdīt ē 5 yet 8; Paulo acī jam aya rin lōŋ Nhialic, ku riēl Wēi Nhialic rot nyuɔth pīr raan cī gam yic. Ku gēt Paulo lɔn ye kɔc Itharel ku kɔc cie kɔc Itharel nhīm thōŋ kē cī Nhialic guir tēnē raan ēbēn yic.

Ku wit wētde lɔn kuc cī kɔc Itharel kuc Jethu ē luoi Nhialic, rin yen ē tē bī raan ēbēn cɔl ayök dhēēŋ Nhialic dhēl Jethu raan cī lɔc ku dɔc. Ku aye

Paulo njic lön cii koc Itharel bi la tuen ke kuc Jethu akolaköl. Ku jöl Paulo gät ciëen tē dhil raan cī gam pīir thīn, ku nhiēr bi raan koc kōk nhiaar. Paulo aci kārīl gät ke ye luāide tēnē Nhialic, ku luāi raan cī gam tēnē baai ku tēnē raan dēt, ku puōn la cōk njic kēpath ku kērac. Ku thīk athōr cī gät cōk muōth ku wēl lēc tēnē Nhialic.

Käk tō thīn

Wēt nom ku göc 1:1-17

Kē wīc raan bi pīr 1:18-3:20

Dhēl Nhialic rin pīr 3:21-4:25

Pīr yam rin Raan cī lōc ku dōc 5:1-8:39

Koc Itharel ē guiēr Nhialic yic 9:1-11:36

Njic ciēn raan cī gam 12:1-15:13

Thōk ē wēt ku muōth 15:14-16:27

¹ Ee yen Paulo alony Jethu Krītho. Yen raan cī Nhialic cōl ba ya atuuc ba Wēt Puōth Yam luēl.

² Wēt Puōth Yam, ee wēt cī Nhialic thōn thēer, ku ēcī koc kākke tīn lueel tēcīt tē cī gāt ye wēl thēer Nhialic yiic.

³ Wēt yam kēnē ē wēt Wēn Nhialic cī bēn a raan kuat Bēnyaknom Debit.

⁴ Ku Jethu aci nyuōth ē Wēi Nhialic ke ye Bānyda, Wēn ril Nhialic, wāār jōt ye bei ran yic.

⁵ Ku ē rienke yen aci Nhialic yen yiēk dhēēnde ku cōl yen aye atuny Jethu, ku ba koc pinynhom ēbēn cie koc Itharel cōl bīk gam ku thekkē Nhialic.

⁶ Ku wek koc cī gam tō Roma aya, wek aci Nhialic cōl bāk aa koc Jethu raan cī lōc ku dōc.

⁷ Kēya, yen agēt tēnē we ēbēn, wek koc nhiēer Nhialic, cī ke cōl bāk aa kacke, Bī Nhialic Wāda ku Bēny Jethu we tuōc dhēēn ku dōr.

Anjōth Paulo lən bī yen la Roma

⁸ Tuen, yen alec Nhialicdiē rin Jethu raan cī ləc ku dəc ē rienkun, rin kəc ēbən pinynhom aaci gamdun njic ēbən.

⁹ Nhialic yen luōōi piāndiē ye yen kəc lək Wēt Puəth Yam cī Wēnde lək kəc, anjic tē ye yen we

¹⁰ tak thīn akōlakōl ē rōōkkiē yiic. Yen ē rōōk lən bī Nhialic ya puəl tē wīc yen ye ba we la neem.

¹¹ Rin awiēc apeidit ba we la tīj ku ba we gām athiēēi Wēi Nhialic bāk riel ē gamdun yic.

¹² Ku kē luēel akīn, rin bī gamda we ku yen yō dēet puəth yodhie.

¹³ Awiēc bāk njic miēthakāi lən ē ca guiir arak juēc ba la tēnē we, ku ala kēn ye yen gēl ba cīi la. Ee wiēc ba la tēnē we ba kəc kək lək bik gam kamkun aya, cīmēn le yen kəc kək pinynhom cī gam cie kəc Itharel.

¹⁴ Rin ala kē cī yiēk ya ba dhiel looi tēnē kəc ēbən, kəc peth ciēēj ku kəc rēec ciēējden, ku tēnē kəc cī piōc ku kəc kēc piōc.

¹⁵ Ku ē wēt kēnē yen awīc yen ye apeī ba we dhiel lək Wēt Puəth Yam wek kəc rēēr Roma aya.

Riel Wēt Puəth Yam

¹⁶ Yen acie guōp ē yār Wēt Puəth Yam, rin ē yen riel Nhialic kəc cī ye gam kony, kəc Itharel ku kəc pinynhom cie kəc kək Itharel aya.

¹⁷ Ku Wēt Puəth Yam aye nyuōōth tē ye Nhialic kəc kuony thīn bik la cōk yenhom. Ku kēnē aye Nhialic jōak ku rēēr thīn kēya rin gam ē raan, cīmēn ye athōr thēer wēl Nhialic ye lueel ēlā, “Ku raan la cōk Nhialic nhom abī pīr ē gam.”

Awušc ë raan

¹⁸ Rëëc pušu ë Nhalic ë rot nyuəoth pan Nhalic tənë kəc man Nhalic. Ku käreç yekë ke looi aa yic gël bī cīi cəl aŋic.

¹⁹ Nhalic ë pušu rëëc tənë ke rin kē lëu raan bī ŋic rin Nhalic ala gɛi apɛi, acī Nhalic tāäu raan ëbën pušu bī ŋic.

²⁰ Tëthɛɛr ɣon cək Nhalic nhal ku piny, alëu raan ëbën bī ŋic ë gai lən riel Nhalic ë rëer thīn akölriëc ëbën, ku yeen ë Nhalic alanden. Kājuëckä aacie tīŋ ku aaye ŋic rin käjuëc cī Nhalic cak. Këya, acīn kē kəŋ kek röt kony.

²¹ Keek aake ŋic Nhalic ku ŋot ke kuec bīk cīi dor. Ku kueeckë bīk cīi gëm alɛɛcɛden ë yen Nhalic. Ku jəl kəkken yekë tak cīɛnkë konykë ku la piäthken bīth.

²² Na cək alən ye kek ye lueel lən ŋic kek kəŋ, ku acīn kē ŋickë.

²³ Ku lən bī kek ye aa door ë Nhalic pīr akölriëc ëbën, ka yekë ke door kək cīi pīr ku raan ë thou. Ku kək cī kiëët ke cīt diet ku lääi. Ku kəkkök wuc piiny keyöth cimën käpieny.

²⁴ Ku rin ë kënë, acī Nhalic ke pušl bīk aa luui käreç wīc piäthken, kək la bīth. Ku wīcwīc ë diäär ku kəkkök yekë ke looi kamken kək kəc cəl ayär gup.

²⁵ Ku lən bī kek kən yic ŋickë rin Nhalic gam, ka yekë gam ë lueth ku yekë ke door kək ke cək Nhalic, ku kueeckë Aciëŋ yen cak kəkä yen dhil ya door akölriëc ëbën. Yenakan.

²⁶ Ku ë yen acī Nhalic ke pušl bīk aa luui käreç kəc yöör gup. Ayī diäärken aya acī tē cī kəc cak thīn pušl, ku aa röt lööm ë röt.

27 Kələ aya, röör aaci təc ye kek təc kek diäär, cīt tē cī kəc cak thīn puəl, ku rum bal kepuəth bik ke aa lööm röör kək cīt ke. Röör tuil röör kək, ku yekē kərəc cīt kakkā looi, aaye tēm awuəc thōŋ kek kərəc yekē ke looi. Kək kəc puəl bī ke aa looi kəya.

28 Ku yeen aya rin cī kek kuc bik yiny Nhialic cīi ŋic, aaci Nhialic puəl aya bik aa tak kərəc ku yekē luui kərəc cīi ke lēu bī raan ke looi.

29 Ku aaci puəth thiāŋ kuat kərəc apɛi, ad-umuööm, kook ku kəər. Ku aaci puəth thiāŋ aya ē tiɛl, nääk, thər, ruëeny ku kuith, ku aa luum.

30 Ku aa kegup tər lueth ku aa man Nhialic. Aa kəc nhiam, kəc dhäl kəc gup cīn gup athëək. Kəc tak dhöl juəc bī kek kərəc looi. Kəc cie kəc ke dhiəth ke ē theek.

31 Kəc cīn gup nhīm, kəc kədāŋ gam ku cīk loi. Kəc cīn puəth cie yiic ē ŋɛɛr raandä.

32 Cək alən ŋic kek ye lən kərəc yekē ke looi, alēu ke bī Nhialic ke tēm thou, ke keek aacie kakkā ē looi kepəc, aa kəc kək ke looi lɛc nhīm aya.

2

Luŋ Nhialic

1 Yīn acīn tē bī yīn rot kony tē luk yīn kəc kək wei. Rin tē ye yīn kəc kək luək wei, ku loi kəwən yekē ke looi aya, ke yīn ē rot dəm ē rot.

2 Ku emən anıcku lən Nhialic ala yic tē luk yen kəc wei, kəc kakkā looi.

3 Ku na ye kəc luək wei, yīn raan ē path, ku ŋot yī loi ē kakkā, ke ye tak lən bī yīn luŋ Nhialic ban?

4 Tədət aya, yīn ē kajuəc rëɛr piath Nhialic yiic cimən piathden dīt, gum, ku lääu ē puəu yöŋ yiic,

rin akuc lɔn aye piath Nhialic nyooth ba yǐpuəu dhuək ciēn.

⁵ Ku riel ē nhom, ku rin cǐ yǐn kuc ba yǐpuəu cǐi dhuk ciēn abā awācdu juak yic akōl bǐi riāāk puəu Nhialic, ku tē bǐ yen ŋɛc luk thǐn abǐ rot nyuəəth.

⁶ Rin Nhialic abǐ ŋɛk a gām kē thōŋ kek tē cǐ yen luui thǐn.

⁷ Kɔc bǐ kepuəth dɛet ku luuikē kāpath ku wickē duaar, lɛc ku pǐr akōlakōl, aabǐ Nhialic gām pǐr akōlriēc ēbēn.

⁸ Ku kɔc ke looi kāk wǐc piāthken ku kueckē yic ku buəthkē kārɛc jəŋrac, aabǐ Nhialic puəu riāāk tēnē ke.

⁹ Kɔc ēbēn ē luui kārɛc aaba arɛɛm ku gum rac apɛi yök. Ku abǐ rot kaŋ looi tēnē kɔc Itharel, ku tēnē kɔc cie kɔc Itharel aya.

¹⁰ Ku Nhialic abǐ duaar ku lɛc ku döör gām kɔc luui kāpath, tuenj tēnē kɔc Itharel ku jəl aa kɔc kök cie kɔc Itharel,

¹¹ rin Nhialic ē luk ŋɛc looi tēnē kɔc ēbēn.

¹² Ku kɔc cie kɔc Itharel kuc löŋ Mothith, ku aa kārɛc looi luk abǐ looi tēnē ke cək alɔn kuc kek löŋ. Ku kɔc Itharel aa ŋic löŋ Mothith, aa kārɛc looi ku luk aye looi tēnē ke təcit tē ye löŋ ye luɛɛl thǐn.

¹³ Rin acie pǐŋ ē löŋ yen kɔc cəl aye kɔc path tēnē Nhialic, aa kɔc ye looi kē ye löŋ lueel kek aabǐ ya kɔc la cök Nhialic nhom.

¹⁴ Ku ē yic, kɔc kök cie kɔc Itharel cǐn löŋ, tē looi kek kədäŋ təcit tē ye löŋ tō kepuəth ē path ye luɛɛl thǐn, ke keek aa cǐt kɔc la löŋ cək alɔn cǐn kek löŋ Mothith.

15 Tɛ ye kek luui th̄in aye nyuɔ̄oth lɔn kɔk w̄ic lɔŋ aaci ḡɔt kepuɔ̄th, aa kɔpath ku kɔrɛc yekɛ ke looi ŋic rin aaye piathken nyuɔ̄th ke.

16 Ku kɛlɔ aya, cimɛn Wɛt Puɔth Yam ya lɛk we, yen ɛ kɛ bi rot looi akɔl luk tɛ bi Jethu Kritho luk looi rin Nhialic tɛnɛ kɔc ɛbɛn, ŋɛk kek kɛden ci thiaan yeyic.

Kɔc Itharel aacie lɔŋ ye theek

17 Ku ȳin ɛmɛn, ȳin ɛ rot cɔl aye raan Itharel, ku ȳin ɛ rot cɔl aye raan muk lɔŋ, ku ye jam nhiaam lɔn ye ȳin raan Nhialic.

18 Ȳin an̄ic kɛ w̄ic Nhialic ba looi ku ȳin an̄ic yic rin ci lɔŋ ye lɛk ȳi.

19 Aca gam lɔn ȳin awat kɔc ci cɔɔr nh̄im, ku ȳin ɛ ruɛl tɛnɛ kɔc tɔ muɔ̄oth yic,

20 ku ȳin ɛ kɔc piɔ̄ɔc, kɔc kuc kɔŋ, ku ȳin ɛ raan piɔ̄ɔc m̄ith. Ku rin le ȳin lɔŋ aye tak lɔn ŋic ȳin kɔŋ ɛbɛn.

21 Ȳin ɛ kɔc kɔk piɔ̄ɔc yen̄ɔ c̄ii ȳin rot ye piɔ̄ɔc? Ȳin ɛ kɔc w̄ɛɛt ɛlɔ, “Duɔkkɛ ye cuɛɛr.” Ku ȳin c̄ii ɛ cuar ɛ yiɛnhdu?

22 Aye lueel, “Duɔkkɛ ye kɔɔr.” C̄ii akɔr ye looi? Ȳin aman jak ci kiɛɛt, c̄ii kɔpuɔth tɔ ȳiik jak ci kiɛɛt yiic ye rum?

23 Ȳin ɛ jam nhiaam lɔn ŋic ȳin lɔŋ Nhialic, c̄ii Nhialic ye dhɔl guɔp tɛ c̄ii ȳin lɔŋde loi?

24 Aye athɔr thɛer wɛl Nhialic lueel ɛlɔ, “Kɔc cie kɔc Itharel aa kɔrɛc luɛl Nhialic guɔp ɛ riɛnkun.”

25 Ciɛɛŋ kɔc Itharel ye ke ŋoot ɛ piath tɛ theek kek lɔŋ, ku na c̄ii lɔŋ thek ke ȳin acit raan kɛc ŋoot.

26 Na raan cie raan Itharel kęc ɲoot, raan cii kę wic lön ę dhäl yic, cii bi ciët kac ci ɲoot?

27 Ke wek kac Itharel wek aabi kac kęc ę ɲoot, ku aa lön theek ya yöök lön acin raan bäk gök, tē le we tēm awuöc rin wek aacie lön ye theek, cök alön ɲic wek kę ci göt ku ɲot we.

28 Yenja yen raan Itharel ayic, yen ci ɲoot? Acie raan yeke ɲuöt tin yeguöp ę path yen ya raan Itharel.

29 Raan Itharel guöp, ee ya raan yepuöu alönthün ci piände ɲoot Wēi Nhialic, ku acie lön ci göt. Ku raan kënë acie læc yök tēnē kac, aye yök tēnē Nhialic.

3

Nhialic acie athönde ye waar yic

1 Ye këpuöth nēn wēr kac Itharel kac cie kac Itharel? Tēdēt ye këpiath ɲö ye yök ɲuöt yic?

2 Käjuęc aaye yök ayic! Tuenj, kac Itharel aaci Nhialic thön wētde bik muk apath.

3 Ku yenjö bi yiëndē tē cın kac käk Itharel gam? Bi kę cın kek gam Nhialic cöl awar athönde yic?

4 Acii bi waar yic! Yiny Nhialic adhil tō thün akölaköl cök alön ye kac alueth. Cimēn ye athör thær wël Nhialic ye lueel ęlä,
“Kęya, bi ɲic lön le yin yic, wël ye lueel yiic, ku luk yün yic.”

5 Ku na käreç yeku ke looi ye Nhialic nyuöth lön le yen cök alanden, ke yenjö buk lueel? Buk lueel Nhialic acin yic tē tēm yen yo awuöc? (Ee tē ye kac jiem thün yen aluēel.)

⁶ Acie tēde! Na Nhialic cii la cök ke lēu bī luk looi tēnē kɔc pinyinhom?

⁷ Alēu raan dēt bī lueel ēlä, “Na ye lueth ya ke lueel yic Nhialic nyuəoth thīn alanden ku juək duarde yic, ke yeŋö ŋot ye ya cɔl aye raan cī kērac looi ku tēm ya awuöc?”

⁸ Yeŋö cii ye luel, cīmēn ye kɔc kök ya cäk thok ku luelkē lɔn cī yeŋ ye lueel ēlä, “Loiku kērac bī kēpath bēn.” Ee yic bī kɔckä tēm awuöc.

Acin raan la cök

⁹ Kēya, ye yok ŋuēēn tēnē kɔc cie kɔc ē kuatda yok kɔc Itharel?

Acie yic! Aca nyooth wēnthēer lɔn yok kɔc Itharel ku kɔc cie kuatda yok arēer adumuööm yic yodhie,

¹⁰ cīmēn ye athör thēer wēl Nhialic ye lueel ēlä, “Acin raan tōŋ la cök,

¹¹ acin raan käng deet yiic, acin raan wic yeen bī Nhialic ŋic.

¹² Kɔc aaci kekäth wēl Nhialic, keek aaci rēec ebēn ka cī la bith, acin raan kēpath looi, acin mēn raan tök.”

¹³ “Wēl yekē keek lueel aa nhiany, aa cīt raŋ cī ŋaany nhom, liēpken aaci luel lueth ŋic.”

“Wēl yekē keek lueel aa cīt wäl kēpiiny kɔc luaaŋ.”

¹⁴ “Aa wēl ye kɔc lam ku wēl rem apsi kek aatö kethook.”

¹⁵ “Aa kɔc lac nök path,

¹⁶ riääk ku mam aa döŋ tē cī kek tēek thīn,

¹⁷ ku keek aacii dhēl döör ŋic.”

18 “Ku riöc, riöc kek Nhialic aliu kək yekə looi yiic.”

19 Ku aņicku kuat kē ye löŋ lueel, aye lueel tēnē kəc la ye rin bī ciēn raan la kē kony yen rot, ku bī raan ēbēn kōc Nhialic nhom.

20 Kēya, acīn raan bī la cök Nhialic nhom tē cək yen ye them bī kē wīc löŋ looi. Kē ye löŋ looi ē lən bī nyuəth raan lən cī yen kērac looi.

Tē ye Nhialic kəc cök thīn

21 Ku emēn tē ye Nhialic kəc cök thīn yenhom acī nyooth. Acī löŋ ku kəc kək Nhialic tiŋ lueel thæɛr.

22 Nhialic ē kəc cök tē le kek gam tēnē Jethu Krītho. Ee kēnē looi tēnē kuat raan ēbēn cī Raan cī ləc ku dəc gam, kəc Itharel ku kəc cie kəc Itharel aa thōŋ ēbēn.

23 Ku rin cī kek ēbēn kərəc looi, ee keek cəl amec tēnē duaar Nhialic.

24 Ku keek aaci Nhialic muəc dhēēŋde piānde ēbēn bik la cök tēnē ye. Ku dhēēŋ ye yök tēnē Raan cī ləc ku dəc Jethu yen ē kəc kony bik kərəc cīi loi.

25 Jethu acī Nhialic gam rin bī thuənde a kē ye adumuööm päl piny tē le raan gam tēnē ye. Kēnē acī Nhialic looi bī nyuəth thīn lən le yen cök. Ku wəthæɛr Nhialic ē lir puəu, ēcie kəc ye tēm awuəc rin kərəc cīk looi.

26 Ku emēn acī adumuööm cī looi ēbēn päl piny bī nyuəth lən le yen cök. Nhialic acī kēnē looi rin le yen cök. Ku tē looi yen kēnē ē raan ēbēn cī Jethu gam cəl ala cök.

²⁷ Na ye këya, yeŋö ye yök jam nhiaam ë path? Acin këdän! Ku ye wët nen ye yök nhiam? Ye rin ci yök löŋ theek? Acie tède, ee tẽ ci yök gam.

²⁸ Rin anjicku raan ë la cök tënë Nhialic rin gam ku acie thëk löŋ ë rot.

²⁹ Ye Nhialic, Nhialic kɔc Itharel kepɛc? Yeen cii ye Nhialic kɔc cie kɔc Itharel aya? Ee yic ë Nhialic kɔc cie kɔc Itharel aya,

³⁰ rin yen Nhialic töŋ bi kɔc Itharel cɔl ala cök ë gamden, ku cɔl kɔc cie kɔc Itharel aala cök rin gamden aya.

³¹ Yeku löŋ dhɔl yic tẽ le yök gam kënë? Acie tède acin, yök aa löŋ juak bi riɛl.

4

Gam Abaram

¹ Yeŋö buk jäl lueel rin Abaram wundit thɛɛr kɔc Itharel? Yeŋö ci rot looi tënë ye?

² Na Abaram la kënë ci looi bi yen la cök tënë Nhialic, ŋuɔt ala kënë ye yen nhiam. Ku acii loi këlä tënë Nhialic.

³ Cimën ye wël ci göt athör thɛɛr wël Nhialic yic ye lueel ëlä, “Abaram aci Nhialic gam ku rin gamde aci Nhialic cɔl ala cök tënë ye.”

⁴ Raan luui aye riɔp, ku wëü ye ye riɔp aacie miɔc, ariöpden ci yen luui.

⁵ Ku raan cie luui la gam tënë Nhialic, Nhialic yen kɔc ci käɛc looi cɔl aala cök, ke gamde yen ë ye cɔl ala cök tënë Nhialic.

⁶ Ku Debit aci wēt thōŋ kek ē wēt kēnē lueel wäär yen jam rin raan mit puōu cī Nhialic gam ke la cök tēnē ye, ke cie luoi puōth ye looi,

⁷ “Kɔc mit puōth aa kɔc cī Nhialic awäcken päl piny, ku wuuny adumuōōmken wei.

⁸ Raan mit puōu ee raan cī Bēny bī kuēn guöp käreɔc cī looi.”

⁹ Ye miɛt puōu cī Debit jam kēn kɔc Itharel ē röt? Acie kēden kepɛc. Ee kēn kɔc cie kɔc Itharel aya, ku wek aa we yeku lək kē cuk yök athör wël Nhialic yic, rin aci wēt cī gōt thɛɛr lueel lɔn, “Abaram aci Nhialic gam, ku gamde aci yen a raan la cök tēnē Nhialic.”

¹⁰ Ye nɛn yen looi kēnē rot? Loi rot tuenj wäär kēc Abaram ŋoot aye wäär cī ye ŋoot? Ee tuenj, acie ŋuōt cök ciēn.

¹¹ Ku ŋuōtɔden jɔl ye lək ŋoot ciēn, aye nyuōōth lɔn gam Abaram aci Nhialic ye gam ke ye raan la cök tēnē ye tuenj wäär kēc ye cak ŋoot. Ku kēlä, Abaram ē wundit kɔc cī Nhialic gam, ku aaye gam ke ye kɔc la cök tēnē ye cak alɔn kēc ke ŋoot.

¹² Ku yen ē wundit kɔc cī ŋoot aya. Ku acie rin cī ke ŋoot, ee rin cī kek dhël pīr gam thōŋ ke pīr wāda Abaram buōōth yic wäär kēc ye cak ŋoot.

Athön ku löŋ

¹³ Nhialic acä Abaram thɔn ku mīth bī lək dhiēeth lɔn bī pinynhom a kēden. Nhialic akēc athön kēnē looi rin theek Abaram löŋ, ee rin cī yen gam, ku gam yen aci yen a raan la cök tēnē Nhialic.

14 Rin na ye kë ye Nhialic thön kac gäm kac lõŋ theek, ke gam acin wëtde yic, ku cïn këpuoŋh tã athön Nhialic yic.

15 Lõŋ ë rëëc puşu Nhialic bëëi, ku tã cïn yic lõŋ, acin lõŋ ye dhöl yic.

16 Nhialic ë loi athönde rin gam ku rin dhëëŋde, bë athönde a këŋ yic tënë mïth bë lõk dhiëëth tënë Abaram ëbën. Ku acie tënë kac la lõŋ ë röt, ee tënë kac cï gam aya cïmën Abaram. Rin Abaram yen ë wädan wëikua yodhie,

17 cïmën cï ye gõt athör theer wël Nhialic yiic ëlä, “Yïn aca looi ba ya wun kac wuöt juëc.” Abaram acï ya Wäda Nhialic nhom, Nhialic cï gam, Nhialic yen kac cï thou cäl aben pïr, ku wët ye lueel ke liu thïn cäl aloi rot.

18 Abaram acï gam ku ñëëth kë cïn kë ñöth thïn, ku yen acï yen bën a wun kac wuöt juëc cïmën cï Nhialic ye lëk ye ëlä, “Kockun bë lõk dhiëëth aabï juëc ka bë ciët kuël.”

19 Wën cï Abaram cak dhiöp ë ruönke aa cït buoöt, ku ñic lõn tiëŋde Thara ke cï dhiöp ke këc dhiëth, ke ñot këc dhör gamde yic.

20 Ku rëër ke ñöth ku cïi diu athön Nhialic, ku gamde acï ye bën yiëk riël ku leec Nhialic.

21 Ee ñic, ke cïn diu lõn bë Nhialic la riël bë kë cï thön dhiël looi.

22 Ku ë yen acï Nhialic Abaram gam ke ye raan la cök tënë ye.

23 Ku wëlkä, “Yen acï gam ke ye raan la cök,” aa këc gõt rienke ë rot.

24 Aake gēt rienkua ɣok kɔc bī Nhialic gam aya ke ɣo la cök, ɣok kɔc ye gam lɔn yen Nhialic yen cī Jethu Bānyda jɔt thou yic.

25 Yen acī cɔl athou rin adumuṣṣmkua, ku jɔt bī pīr bī ɣo cɔl aala cök tēnē Nhialic.

5

Gam yen abī ɣo luṣk

1 Kēya rin gamda Nhialic acī ɣo cɔl ala cök tēnē ye, ku ɣok aala dṣṛ kek ye rin Bānyda Jethu raan cī lɔc ku dɔc.

2 ɔk aaci gamda cɔl abīi Jethu dhēēŋ Nhialic yic, dhēēŋ yen rēer ɣok thīn ēmēn. Ku ayeku ṅṣṓth ɣo mit puṓth lɔn ɣok aa duaar Nhialic rɔm kek ye.

3 Ku acie kēlä rot, ɣok aa puṓth miēt aya tē guum ɣok, rin gum ē deet puṣu bēēi,

4 ku gum ku deet ē puṣu aye Nhialic gam. Ku gem ye Nhialic ye gam yen ē ṅṓth bēēi.

5 Ku ṅṓth acie ɣo cɔl ayār gup rin cī Nhialic nhiērde cɔl athiōŋ ɣopuṓth, Wēiken cī gām ɣo.

6 Rin wäär ṅot cīn yen tē ye ɣok röt kuony thīn, ke Raan cī lɔc ku dɔc thou rin kɔc kuc Nhialic aköl cī Nhialic lɔc.

7 Aril yic bī raan thou rin raan la cök, cɔk alɔn lēu yen rot bī raan dēt thou rin raan path.

8 Ku Nhialic acī nhiēr nhiēer yen ɣo nyuṓth ē kēnē yic, rin tēwäär ṅot ye ɣok kɔc la gup adumuṣṣm, Raan cī lɔc ku dɔc acī thou rienkua.

9 Ku ēmēn thuṓnde acī ɣo cɔl ala cök tēnē Nhialic. Ku na cī kēnē looi, ke cīi ɣo bī wēer bei ayic riāŋ puṣu Nhialic yic aköl ciēen?

10 Ku wäär ye yok kac ater tēnē Nhialic, yok acī thon Wēnde cəl aben dōör kek ye. Ku na ye këya, ke pīr Raan cī ləc ku dəc cīi yo bī kony?

11 Ku acie kēnē ē rot, yok amit puəth aya tēnē Nhialic rin Bānyda Jethu raan cī ləc ku dəc acī yo dōör ke Nhialic.

Adam ku Jethu

12 Adumuəəm acī bēn pinynhom rin raan tək, ku adumuəəm cī looi yen acī bēn ke thou. Ku kēlä, thou acī bēn tēnē raan ēbēn rin cī kek adumuəəm looi ēbēn.

13 Adumuəəm ē tō pinynhom wäär kēc löŋ Mothith gām kac, ku tē cīn yic löŋ tō thīn, adumuəəm acie kuēēc nom.

14 Ku jəək Adam bī bēn Mothith, thou ē ŋot ye tēm kac agut kac kēc löŋ Nhialic dhəl yic, cīmēn wäär cī Adam wēt cī Nhialic lək ye dhəl yic.

Adam yen ē ye kīn raan yen bī bēn.

15 Ku keek karou acīi thōŋ, rin miəc Nhialic cī gām kac ē path acīi thōŋ kek adumuəəm Adam. Raan tək, Adam, acā adumuəəm looi, ku acī thou bēi tēnē kac juēc. Ku kēdit apēi aya, raan tək, Jethu raan cī ləc ku dəc acī miəcđit dhēēŋ Nhialic bēi tēnē kac juēc.

16 Ku miəc Nhialic acī thōŋ kek adumuəəm ē raan kēnē. Ku adumuəəm tōŋ kēnē cök kac juēc acī tēm awuəc, ku adumuəəm juēcä cök, miəc tōŋ Raan cī ləc ku dəc Nhialic acī bēn ku cəl kac aa ben la cök yenhom.

17 Rin adumuəəm raan tək thou acī bēn pinynhom. Ku kēdit apēi kac cī miəcđit Nhialic yök cī jəl

la cök, aabi mac ku püirkë akölriëec rin Raan cî lóc ku dác.

¹⁸ Këya, cîmën ye adumuössm tök kác cöl aa tëm awuöc ëbën, ke këlä aya, luoi töñ la cök ë kác ëbën cöl aala cök Nhialic nhom, ku bii pîr akölriëec tënë raan ëbën.

¹⁹ Ku cîmën cî raan tök wët Nhialic dhöl yic, ku bi kác juëc cöl aala gup adumuössm, ke këlä aya, rin cî raan tök wët Nhialic theek, kác juëc aabi la cök.

²⁰ Löñ ë gëm ë rin bi luoi käreç rot juak, ku tē ye käreç röt juak thîn, dhëëñ Nhialic ë rot jäl juak apëi.

²¹ Ku cît lön ye adumuössm kác mac ku bii thou tënë raan ëbën, ke yeen aya awïc Nhialic bi dhëëñde kác mac ku looi ke bik la cök tënë ye. Ku gëm ke pîr akölriëec ëbën rin Jethu raan cî lóc ku dác, Bányda.

6

Pîr rin Jethu

¹ Yenjö buk lueel ëmën? Buk la tuen ke yo loi adumuössm rin bi dhëëñ Nhialic yeyic juak?

² Acie tädë! Acit kë cî thou tënë yo, aacii yo bi ben mac. Ye kädë bi yok la tuen yo pîr këlä?

³ Rin anjäckë ayic lön riel adumuössm acî dhoñ köu wäär muöcc yonhüim buk aa kác Jethu raan cî lóc ku dác, ku yok aaci muöcc nhüim ë thuände.

⁴ Ku yeen aya, wäär muöcc yonhüim, yok aa yo cît kác cî la ranj tök yic kek ye thuände yic. Ku cîmën wäär cî Raan cî lóc ku dác jöt thou yic duaar Wun, ke yok aabi pîr ë pîr yam aya.

⁵ Na cuk röt mat kek ye thuände yic, ke yok aabi röt dhiel jöt thou yic kek ye aya.

⁶ Rin ɣok aa ɣo ye kəc adumuššm, pirdan theer ěcī thou tim cī rīiu kšū kek Raan cī ləc ku dəc, bī tē ye ɣok kəc adumuššm ciēn kē ben lēu tēnē ɣo. Ku buk cīi ben aa kəc tš adumuššm yic,

⁷ rin raan cī thou acīi ben rēer riel adumuššm yic.

⁸ Na ɣo cī thou kek Raan cī ləc ku dəc, ka yeku gam aya lən bī ɣok pīr kek ye.

⁹ Rin aŋicku lən na cī Raan cī ləc ku dəc jət thou yic, ka cīi ben thou, rin thou acīi ben la riel tēnē ye.

¹⁰ Acī thou arak tək rin kəc ěbēn bī riel adumuššm nyaai, ku piērde ěmēn ě pīr mit Nhialic pušu tēnē ye.

¹¹ Kēlā aya, yakē röt cəl aacit kəc cī thou tēnē adumuššm, ku wek aacī pīr tēnē Nhialic rin Raan cī ləc ku dəc Jethu.

¹² Duškkē adumuššm cəl amec piērdun bāk ke aa theek käreç wic guäpkun.

¹³ Ku duškkē guäpkun pēl adumuššm bī ya käreç kek yakē ke looi. Wek aa dhil röt thön Nhialic, ciēt we kəc cī thou cī ben pīr. Wek aa dhil guäpkun thön Nhialic ku bāk aa kəcken ye looi kē la cök.

¹⁴ Adumuššm acīi we dhil mac rin wek aacīi ŋoot löŋ theer yic, wek aatš dhēēŋ Nhialic yic.

¹⁵ Ye kē pīr ɣok ě dhēēŋ Nhialic ke cie löŋ, ɣook pušl buk adumuššm aa looi ě path? Acie tēde!

¹⁶ Aŋieckē alanden lən na thönkē röt raan dēt ku yakē theek we cit aloony, ke wek aa loony ě raan kēnē cək ben adumuššm we ɣäth thou yic, ku kēya, thekkē Nhialic bāk la cök tēnē ye.

¹⁷ Lecku Nhialic, rin wek aa we ye aloony adumuššm, ke wek aacī yith yakē yök kək ye piššc tēnē we yiic, gam piäthkun ěbēn.

18 Wek aaci wëer bei adumuössm yic, ku wek aaci ya aloony luoi käk la cök.

19 Yen ajam kälä ë path cïmën tädun ye wek jiem thin, rin bi wek kë luεel deet yic. Cïmën wek aa we ye guäpkun ëbën thön luoi kärec rin ci luoiden we rum puöth. Ëmën, wek aa dhil röt cöl aaye aloony käk la cök rin luoi këpath.

20 Wäär ye wek aloony adumuössm, wek aa we cie diεer luoi la cök.

21 Yenjö kën cäk yök luoi ë kakkä yiic, käk ye wek gup yär thin ëmën? Kakkä, ee thou yen ë yakë yök thin.

22 Ku ëmën, wek aaci wëer bei adumuössm yic, ku wek aaci ya aloony Nhialic. Ku piërdun ëbën ë këde, ku kë yakë yök thin ë pïr akölriëc ëbën.

23 Rin kë ye yök luoi adumuössm yic, ee thou. Ku miöc Nhialic ë pïr akölriëc ëbën rin Raan ci löc ku döc, Jethu Bänyda.

7

1 Anjεc, wek aa kë luεel deet yic miëthakäi ci gam rin wek aa njic löñ. Löñ ë la riel bi raan döm tē not pïir yen.

2 Të thöön yök ye, ke tin ci thiaak acii löñ ye puöl bi wïc mony dët. Ku na thou muonyde ka cïn löñ ben ye gël.

3 Na wïc mony dët ke muonyde pïr, ka ci ya tin ci kōr. Ku na ci moc thou, ke löñ gël yeen aliu. Na thieek mony dët ka cïn akōr.

4 Ku ë yen tēde aya tēnë we miëthakäi ci gam. Të thön yök ye löñ, ke wek aa cit kōc ci thou tēnë löñ rin wek abañ guöp Raan ci löc ku döc. Ku ëmën wek

aa kacke yen raan cī jət thou yic, rin bī wek aa kac puəth loi wēt Nhialic.

⁵ Wäär ɲot pīr yok ciɛɲdan thɛɛr cī ɣo cak thīn, kārɛc ke cī lōŋ tāau ɣopuəth aake lui apɛi ɣogup. Ku aa kāk thou kek aake yeku ke looi ëbën.

⁶ Ku ëmën ɣok aaci bën bei lōŋ thɛɛr yic rin cī ɣok thou tənë lōŋ wäär yen mɛc ɣo. Ku ɣok aa jəl luui dhël yam Wëi Nhialic, ku acie lōŋ thɛɛr cī gət.

Lōŋ ku adumuəəm

⁷ Yeŋə buk jəl lueel ëmën? Ye lōŋ yen adumuəəm? Acie tēde! Na ye këya ayic, ɲuət ɣɛn akɛc adumuəəm ɲic tən cīi yen ye lōŋ. Rin ɲuət akɛc ɲic yen kërɛɛc wīny kënë raandä yīpuəu tən kɛc lōŋ ye lək ɣɛn ëlä, “Duk kën raandä wīc ɣapuəu.”

⁸ Ku adumuəəm aci lōŋ wel bī yen ɣɛn a duəəŋ ba puəu ayiək kākək. Ku na cie lōŋ ɲuət acīn adumuəəm.

⁹ Wäthɛɛr, ɣɛn a ɣa ciɛŋ ke ɣa kuc kë ye lōŋ lueel. Ku wäär le ɣɛn lōŋ ɲic, aca bën yök ɣapuəu lən cī ɣɛn lōŋ dhoŋ kəu ku ya raan ë thou.

¹⁰ Aca bën yök lən lōŋ puəth wën ɲiɛc ke yen bī pīr bëi, aci bën a kën thou bëi.

¹¹ Ku adumuəəm aci lōŋ wel bī yen ke ɣɛn a duəəŋ, ku rin lōŋ, ɣɛn aci adumuəəm cəl athou.

¹² Ku ë cīn kërɛɛc tō lōŋ yic, ee ye lōŋ Nhialic la cök ku pɛth.

¹³ Ye këlä, lən nadë ke këpath yen aci thou bëi tənë ɣa? Acie këya! Adumuəəm yen ë looi ye. Acī këpath lööm bī yen thou bëi tənë ɣa rin bī tɛrɛɛc yen thin, yen adumuəəm tīc. Ku këlä, rin ë lōŋ, adumuəəm aye nyuəəth ke ye kërɛc apɛidīt.

14 Anjicku lõŋ ë bën tēnē Wēi Nhialic, ku ɣen ë raan ë path, alony adumuõõm.

15 ɣen acie kē ya looi ye deet yic, rin ɣen acie kē wiēc ba looi ye looi, ku aya looi ë kē maan ba looi.

16 Ku na luõõi kē cã wïc ba looi, ka ya gam lõn lõŋ apath.

17 Kēya, acie ɣen ë kēnē looi ayic, ku adumuõõm rēër ke ɣa.

18 Anjic, acin kēpuõth rēër ke ɣa, rin cīt tē cī ɣa cak thīn kek adumuõõm. Rin na cõk alõn wïc ɣen ye ba kēpath looi, ka cã ë lēu ba looi.

19 Rin kē ya looi acie kēpuõth ya wïc ba looi, ku kēya kē cī path cã ë wïc ba looi, yen aya looi.

20 Ēmēn na ya looi kē cã wïc ba looi, ka cie ɣen ye looi, adumuõõm rēër ke ɣen yen ë ye looi.

21 Kēya, aya yõk lõn luui lõŋ kēnē. Tē wïc ɣen ye ba kēpath looi, ke kē cī path yen ë rot tēëm thīn.

22 Ku piändië guõp anhiar lõŋ Nhialic,

23 ku ɣen ë lõŋ dēt tiŋ ke lui ɣaguõp, lõŋ cie la piny kek lõŋ cī piändië gam. Ku yen ë ɣa cõl aye alony adumuõõm yen lõŋ lui ɣaguõp kēnē.

24 Yenõ be kērac ɣa yõk kēlä! Yenã bã kony guõp ya ɣãth thou yic?

25 Lecku Nhialic rin cī yen Bãnyda Jethu raan cī lõc ku dõc, cõl akony ɣa.

Kēya, kēnē yen ë tēdië, ɣen nhom piändië yic alony lõŋ Nhialic, ku cīt tē cī ɣa cak thīn alony adumuõõm.

8

Pir Wēi Nhialic yic

¹ Ku këya, acin awuɔc ye tɛm kɔc cɨ ya tɔk kek Raan cɨ lɔc ku dɔc Jethu,

² rin lɔŋ yam, Wëi Nhialic ë pɨr bɛɛi rin Jethu raan cɨ lɔc ku dɔc, acä wɛɛr bei lɔŋ adumuɔɔm yic, lɔŋ thou.

³ Kën këc lɔŋ lëu bɨ looi rin tɛ cɨ ɔo cak thɨn ke ɔo cɨi ril rin adumuɔɔm, acɨ Nhialic looi ë tuuc cɨ yen Wënde nhom tuɔɔc ke ye raan cimɛnda, ku bɨ nɔk bā adumuɔɔm nyaai. Ku tɛ looi yen kënë, acä adumuɔɔm tɔ kɔc gup cɔl acin riɛl.

⁴ Kënë acɨ Nhialic looi rin bɨ luɔi wɨc lɔŋ dhiɛl la cɔk ɔogup ɔok kɔc pɨr Wëi Nhialic, ku acie tɛ cɨ ɔo cak thɨn.

⁵ Kɔc pɨr cɨt tɛ cɨ ke cak thɨn kek adumuɔɔm, aake nhɨim yiɛk kāk ye tɛ cɨ cāk ke wɨc, ku kɔc pɨr cɨt tɛ wɨc lɔŋ Wëi, aake nhɨim tāau kāk wɨc lɔŋ Wëi yiic.

⁶ Tɛ yɨk raan yenhom luɔi kāk adumuɔɔm, ka thou. Ku na yɨk raan yenhom kë wɨc lɔŋ Wëi, ka ɔok pɨr ku dɔɔr.

⁷ Ku raan ë la ater kek Nhialic tɛ yɨk yen yenhom kāk luɔi adumuɔɔm rin acie lɔŋ Nhialic ye theek, ku acɨi lëu bɨ lɔŋ Nhialic theek.

⁸ Ku kɔc ye theek tɛ cɨ ɔo cak thɨn aacie Nhialic cɔl amit puɔu.

⁹ Ku këya wek aacɨi ciɛŋ cɨt tɛ cɨ we cak thɨn, wek aa ciɛŋ cɨt tɛnɛ lɔŋ Wëi tɛ rɛɛr Wëi Nhialic ke we ayic. Ku na ye raan cɨi rɛɛr kek Wëi Jethu raan cɨ lɔc ku dɔc, ka cie raande.

¹⁰ Ku na rɛɛr Raan cɨ lɔc ku dɔc kek we, ke guäpkun aacɨi thou rin adumuɔɔm ku wɛikun aŋot ke pɨr rin cɨ ke looi bɨk la cɔk tɛnɛ Nhialic.

¹¹ Na Wëi Nhialic yen jɔt Jethu thou yic rɛɛr kek we, ke raan jɔt Raan cɨ lɔc ku dɔc thou yic, ka bɨ

guɔpkun thou cɔl aa p̄ir rin r̄eer W̄eike wegup.

¹² K̄eya, mīethak̄ai ɣok aala k̄e dhilku looi, ku acie lɔn b̄i ɣok r̄eer p̄irdan th̄eer c̄i ɣo cak th̄in yic.

¹³ Rin na pīēr̄k̄e c̄it t̄e c̄i we cak th̄in, ke wek aab̄i thou, ku na p̄alk̄e k̄arec yak̄e ke looi rin W̄ei Nhialic, ke wek aab̄i p̄ir yök.

¹⁴ Kɔc ye W̄ei Nhialic nyuȫth, aa m̄ith Nhialic.

¹⁵ Rin W̄ei c̄i Nhialic ḡam we acie we cɔl aye b̄en ya aloony adumuȫm, ku looi we b̄ak riȫc. Ku W̄ei Nhialic ë ɣo cɔl aye m̄ith Nhialic, ku wek aac̄i W̄ei Nhialic c̄i we looi b̄ak aa mīethke yök. Ku W̄ei ac̄i ɣo cɔl aye Nhialic l̄əŋ, “W̄ä! W̄ä!”

¹⁶ Aye W̄ei Nhialic guȫp kek w̄eikua lueel lɔn ye ɣok m̄ith Nhialic.

¹⁷ Ēm̄en ye ɣok mīethke, ɣok aab̄i k̄akken muk t̄en̄e kacke th̄on. Ku k̄apūoth muk rin Raan c̄i l̄oc ku d̄oc aya rin t̄e guum ɣok cim̄ende, ke duarde ab̄i ya k̄eda aya.

Duaar aköldä

¹⁸ Aya tak lɔn k̄ak yeku guum pīerda yic ěm̄en, aac̄i k̄əŋ th̄ȫŋ kek duaar b̄i Nhialic nyuȫth ɣo, duaar b̄i r̄eer kek ɣo aköldä.

¹⁹ K̄ak c̄i Nhialic cak pinynhom ěb̄en aa r̄eer ke ŋȫth ap̄ei, ke tit aköl b̄i Nhialic mīethke nyuȫth.

²⁰ Ku k̄ak c̄i cak, kɔc pinynhom aake b̄i r̄eer ke c̄i puȫth mum, ku aacie kek ke c̄ii yen tak, ee Nhialic yen loi ye k̄eya. Ku ŋȫth k̄en̄e ë ŋot t̄ö th̄in.

²¹ Ku k̄ak c̄i cak aab̄i waar aköldä rin b̄ik c̄ii riääk, ku b̄ik lääu nhomd̄it m̄ith Nhialic r̄om ke ke.

22 Rin aɲicku agut cīt emēn, kāk cī cak aa rēēr ke dhiau ke rem, arɛɛm cīt arɛɛm tiŋ röp.

23 Ku aacie kāk cī cak ē röt, ɣok kɔc cī Wēi yök ke ye miöc tueŋ ē Nhialic, ɣok aa rēēr ɣo dhiau ɣo rem puöth aya, ke ɣo tīt apei tē bī Nhialic ɣo luösi thīn buk aa miēthke, ku cəl guäpkua aa waar röt bik aa yam.

24 Rin ē ɲöth yen ē cəl ɣo apoth, ku na yeku kē ɲöthku tiŋ, ka cie ɲöth acīn. Rin ye ɲa kē tō kek ye ɲöth?

25 Ku na yeku ɲöth kē cīi tō ke ɣo, ka yeku tiit ke ɣo lir puöth.

26 Ku cīt mēn aya, Wēi Nhialic ē bēn aya ku kony ɣo rin ye ɣok cīi ril, rin kuc ɣok tē dhil ɣok Nhialic röök thīn, ke yeen ē Nhialic löŋ rienkua, ku lēŋ ke dhiau dhiēn cīn wēl ye teet.

27 Ku Nhialic yen kē rēēr raan puöu tiŋ, aɲic kē lueel Wēike, rin Wēike ē röök rin kacke cīt tē wic Nhialic ye thīn.

28 Ku aɲicku kēriēec ebēn yic, Nhialic ē luui kăpath rin kɔc nɲiar ye, kɔc cī cəl bik kēden wic looi.

29 Kɔc kek cī Nhialic löc thɛɛr, aaci looi aya bik ciēt Wēnde, ku bī Wēnde a kaai wämäthakēn juēc yiic.

30 Kēya, Nhialic aci kɔc cī löc cəl ku looi ke bik la cök tēnē ye, ku kɔc cī cəl aala cök tēnē ye aaci la duarde aya.

31 Kēya, yeŋö buk lueel rin ē kēnē? Na Nhialic akäac kek ɣo, ke yeŋa bī ɣo maan?

32 Na Nhialic akēc Wēnde nhom guöp ɲuään wäär ku cəl athou rienkua ebēn. Na cī ɣo gām Wēnde, ke cīi ɣo bī gām kăŋ ebēn ē path aya?

³³ Yenja bi la wët bi lueel koc ci Nhialic loc gup? Ee Nhialic nom guöp yen aci ye lueel lon le kek cök tēnē ye.

³⁴ Le raan dēt lēu ye bi ke tēm awuōc? Acin raan agut Jethu aya raan ci loc ku dōc ci thou, ku jōt ran yic bi ben pīr, ku arēer kōḡ cuēc Nhialic, ee Nhialic lōḡ rienkua.

³⁵ Yenja bi ḡo tēk bei nhiēr Raan ci loc ku dōc yic? Lēu aliäap, tēdē ba gum rin ye yin raan ci gam, ayi ḡōḡḡ, ayi riōc rin kārēc, ayi lon bi yi nōk ba thou?

³⁶ Cīmēn ci ye gōt athōr thēer wēl Nhialic yic elä, “Rin wētdu ḡok aa rēer kāk nāk ḡook yiic akōl thok ēbēn, ḡok aaye looi cīmēn amēl la teem rōt.”

³⁷ Acie tēde, kākka yiic ēbēn ḡok aala riēl dīt ye ḡok kāḡ tiaam rin raan yen nhiar ḡo.

³⁸ Rin aḡiēc alanden lon acin ke tēk ḡo bei nhiērde yic. Cök athou ayi pīr, cök atuuc nhial ayi jakrēc, cök aa kāk loi rōt emēn, ayi kāk bi rōt looi akōldä, ayi kākōk ril.

³⁹ Ayi nhial, tēdēt wērdīt cök piiny, acin kē lēu ye kuat kākka yiic ēbēn bi ḡo tēk bei nhiēr Nhialic yic, yeen ē kēda rin Raan ci loc ku dōc, Jethu Bānyda.

9

Nhialic ku kacke

¹ Kē ya lueel ē yic. Ḳen acie jam lueth rin ḡen ē raan, Raan ci loc ku dōc. Aye puändiēn mēc Wēi Nhialic lēk ḡa apei lon ḡen aci lueth luel.

² Rin dak piändië adit apɛi, ku tɛ reem piändië thïn rin kackië acie yop. Υεν ajam rin kɔc kuatdië, kɔc Itharel.

³ Ku na lɛu rot ba ke kony, ηuɔt awiëc bï Nhialic ya tɛm awuɔc ku cã ben a raan Raan cï lɔc ku dɔc.

⁴ Keek aa kɔc cï Nhialic lɔc ku cɔl ke aaye kacke, ku nyuth ke duaarde ku looi dɔɔr ke ke ku gɛm ke lõη. Ku nyuth ke tɛ bï kek ye aa duɔɔr thïn apath. Ku yökkë kãk cï Nhialic thɔn ke.

⁵ Keek aa ke ye kuat kɔc ηic thɛɛr. Ku Raan cï lɔc ku dɔc, wãär cï yen jãl a raan cimɛnda ë ye raan kuatden. Raan ëbɛn adhil Nhialic yen mɛc kãη ëbɛn a leec akölrïëc ëbɛn. Yenakan.

⁶ Acã ye lueel lɔn kɛ cï Nhialic thɔn akɛc rot looi. Kɛ cï Nhialic thɔn acï rot dhiel looi, rin acie kɔc Itharel kek ke cï Nhialic lɔc ëbɛn.

⁷ Acï Nhialic lueel tɛnɛ Abaram, “Aacie mïth ëbɛn bï dhiëëth tɛnɛ yï kek bï ya mïth Nhialic, aa mïth bï dhiëëth many Itharel kek aabi ya miëthku kek ca thɔn yï.”

⁸ Kɛya, aye kɛnɛ nyooth lɔn aacie mïth bï dhiëëth Abaram ëbɛn kek ke bï ya mïth Nhialic, aa mïth ke cï Nhialic thɔn ye kek aake bï ya miëthke.

⁹ Kɛnɛ cï Nhialic lueel akïn wãär thɔn yen wɛt tɛnɛ Abaram, “Tɛ le akãlde bɛn, ke υen abi dhuk ku Thara abi manh moc yök.”

¹⁰ Kɛ cit ë wɛt kɛnɛ aya, mïth Rabeka karou, wunden ë ye tøk, wãdïtɔda Ithãk.

¹¹⁻¹² Acï Nhialic lueel tɛnɛ Rabeka, “Wëndun dït yen abi ya luui tɛnɛ wëndun koor.” Acï kɛnɛ lueel rin bï nyooth lɔn kɛ cï yen raan tøk lɔc keyiic ku pɛl raan dɛt, ee wïc piãnde ë rot bï looi kɛya. Nhialic ë

luel wēt kēnē tēnē Rabeka, ke Rabeka kēc mīth cak dhiēeth, ke cīn kēpath ku kēreec cī ηek looi. Kēnē cī rot looi ē kē cī Nhialic raan tōk cōal ku pēl raan dēt. Ku acie kēnē cī ηek looi kamken.

¹³ Cīmēn ye athōr thēer wēl Nhialic ye lueel ēlā, “Jakop aca lōc ku kuεεc Ethau.”

¹⁴ Abī kōc kōk aa lueel lōn Nhialic acīn yic, ku acie tēde.

¹⁵ Rin acī Nhialic lueel tēnē Mothith ēlā, “Na wiēc ba raan dēt ηuāän, ka luōi, na wiēc ba pušu löny tēnē raan dēt, ka luōi aya.”

¹⁶ Kēya, acie kē wīc raan, tēde kē ye looi, ee lier pušu ē Nhialic.

¹⁷ Rin acī Nhialic lueel wēl thēer cī gōt yiic tēnē bēny Ijip ēlā, “Yīn aca looi ba ya bēny rin bī riēldiē yī nyuōth, rin bī kōc pinynhom ēbēn ya piη.”

¹⁸ Kēya, na wīc Nhialic bī raan ηuāän, ka looi. Ku na wīc raan dēt bī cōl aril nhom, ka looi aya.

Nhialic ē kōc ηuāän ku tēm kōc awuōc

¹⁹ Tēdēt γen abī raan dēt thiēec ēlā, “Na ye yen tē ye Nhialic luui thīn akan, ke yeηō ye yen raan tēm awuōc? Ku yeηa lēu ye ku bī kē wīc Nhialic jōōny?”

²⁰ Ye tak ye yīn ē ηa ba yīnhom jāām kē cī Nhialic looi? Tōny acie tiη cuēc ye ye thiēec, “Yeηō cuēec yīn γa kēlā?”

²¹ Tiη cuēc tōny ala yic bī tiōp cuēec tēden wīc yepušu, ee tōny karou cuēec ē tiōm tōη yic, amuc yen jōōl muōc ku tōōny ye yen luui baai ē path.

²² Kē cī Nhialic looi athōη kek ē kēnē. Awīc bī riāäk piānde nyuōth ku cōl rielde aηic. Ku ηot pēl

yepuʂu piny tɛnɛ kɔc rɛɛc yen puʂu thɪn, kɔc rɛɛr ke bɪ tɛm awuʂɔdɪt apɛi.

²³ Ku ee wɪc aya bɪ duaarden dɪt nyuʂth ɔ, duaarden dɪt cɪ yen ɔ mat thɪn ɔok kɔcken cɪ ŋuʂɔn. ɔok kɔcken cɪ guiir thɛɛr buk duaarde yɔk.

²⁴ Ku ɔok kɔc cɪ cɔl ɔok aa ɔ la yiic kɔc Itharel ku kɔc cie kɔc Itharel aya.

²⁵ Ku kɛnɛ cɪ Nhialic lueel akɪn, kɛ cɪ ɔt athɔr ɔocia yic raan kɔk Nhialic tɪŋ,

“Aba cɔl kackiɛ,

tɛ jiɛɛm ɔɛn kɔc cie kackiɛ ayic.

Aba cɔl kɔckiɛn nhiaar,

tɛ jiɛɛm ɔɛn rin kɔc cɔ ke nhiaar.”

²⁶ Ku tɛnɛ yen acɪ Nhialic ye lueel thɪn ɛlɔ,

“Wek aacie kackiɛ,

tɛɛn aabɪ cɔl ka wɛɛt Nhialic tɔ pɪr yecin.”

²⁷⁻²⁸ Ku Ithaya raan kɔk Nhialic tɪŋ acɪ jam apɛi thɛɛr rin kɔc Itharel ɛlɔ,

“Na cɔk kɔc Itharel juɛc abɪk ciɛt liɛɛt ɔɔr,

ka kɔc lik keyiic kek aabɪ poth,

rin Nhialic abɪ luk lac looi luŋ cɪi yeyic dhuk tɛnɛ kɔc pinynhom ɛbɛn.”

²⁹ Acɪt wɛt cɪ Ithaya raan kɔk Nhialic tɪŋ lueel wɛthɛɛr ɛlɔ,

“Na Nhialic Madhɔl kɛc ɔook nyɔŋ kɔc ɛ kuaɪda yic, ŋuʂt ɔok aacɪ ciɛt kɔc gen Thodom ku Gomora.”*

Wɛt Puʂth Yam ee luel tɛnɛ kɔc Itharel aya

9:25 ɔoth 2:23 **9:26** ɔoth 1:10 **9:27-28** Ith 10:22-23 * **9:29**
Kɔc Thodom ku Gomora aake cɪ Nhialic cɔl aa nyuʂp bɪk thou ɛbɛn
rin kɔrec yekɛ looi, tɪŋ Ith 1:9

³⁰ Kənə yen ë luεεl, “Ee kəc kəc cie kəc Itharel them bīk la cök tənə Nhialic. Ku aaci Nhialic bən cəl aa la cök rin cī kek ye gam.

³¹ Ku ěcī kəc Itharel them bīk la cök Nhialic nhom rin thək ě lõŋ, ku acīn kē cīk bən yök.”

³² Ku raan dēt abī thiēc ělä, “Yenö cīn yen kē cīk yök?” Acīn kē cīk yök rin acīk them bīk looi ě röt ku cīk Nhialic gam. Kēya, aa cīt kəc cī kecök dεeny alɛl,

³³ alɛl yen ye athör thɛr wɛl Nhialic jam ye ělä, “Piɛŋkē apath, ŋɛn abä alɛl bī kəc cəl aaye kecök dεeny.

Tööu Jeruthalem, alɛl bī kəc cəl awiěěk.

Ku raan bī wətde gam acīi bī rac puöu.”

10

¹ Miěthakäi, kē wīc piändiě ku rōökkiě tənə Nhialic riɛnken, ee lõn bī kəckiěn Itharel ŋic tě bī Nhialic ke kuony thīn.

² Alěu ba ya raan ŋic ye lõn awīckē bīk luui apɛi bīk Nhialic cəl amit puöu tənə ke. Ku dhɛl ye kek ye wīc bīk Nhialic cəl amit puöu, acīk ye deet yic apath.

³ Ku rin kəc kek dhɛl ye Nhialic kəc cəl aala cök tənə ye deet, acīk them bīk dhɛl yök ě röt, dhɛl bī ke cəl aala cök tənə Nhialic. Ku aa kəc dhɛl ye Nhialic kəc cəl aala cök tənə ye gam.

⁴ Ku Raan cī lõc ku dəc yen aye lõŋ thök thīn. Ku kēya, Nhialic ě kuat raan cī gam ěbən cəl ala cök tənə ye.

Acīn raan cīi Nhialic ye kony

⁵ Mothith aci tē ye kac la cök thñn tēnē Nhialic tē theek ē lōŋ gōt ēlä, “Na loi raan kē ye lōŋ lueel, ke yeen abi lōŋ cəl apir.”

⁶ Kē ye wēl Nhialic cī gōt thēer lueel rin bī raan la cök tēnē Nhialic rin gam akīn, “Duk rot ye thiēc, yeŋa bī la pan Nhialic.” Rin bī yen Raan cī lōc ku dōc la thiēc bī bēn piny tēnē ŋo.

⁷ “Duk rot ye thiēc aya, yeŋa bī la piny.” Ku wētde yic bī Raan cī lōc ku dōc la bēi bei kam kac cī thou.

⁸ Kē ye wēl Nhialic cī gōt thēer lueel akīn, “Wēt Nhialic athiök kek yī, arēer yithok ku yīpuōu.” Ku kēnē yen ē wēt tōŋ yeku lēk we.

⁹ Na ye lueel kac nhīm ēlä, “Jethu ē Bēny ku gam yīpuōu lōn cī Nhialic ye jōt thou yic, ke Nhialic abi kony.

¹⁰ Gam ē bēn bei ŋopuōth ku cəl ŋo aala cök tēnē Nhialic, ku luēl ye ŋok gam lueel ŋothook kac nhīm aye Nhialic ŋo kony.”

¹¹ Cīmēn cī ye gōt athōr thēer wēl Nhialic yic ēlä, “Ku raan bī wētde gam acī bī rac puōu.”

¹² Kēnē atō raan ēbēn thñn, rin Nhialic Bēny athōŋ tēnē kac ēbēn, kac Itharel ku cie kac Itharel aya. Ku ē kac rōök tēnē ye ēbēn gām kajuēc path apēi.

¹³ Cīmēn ye wēl Nhialic cī gōt thēer ye lueel ēlä, “Na le raan Bēny cōl ke yen akony Bēny.”

¹⁴ Ku yeen acik bī cōl ayic tē kēc kek gam. Ku keek aacī bī gam tē kēc kek wēt piŋ. Ku wēt acik bī piŋ tē kēc ye lēk ke.

¹⁵ Ku bīk wēt piŋ kēdē tē cīn yen raan cī tuōc ke. Cīmēn cī ye gōt athōr thēer wēl Nhialic yic ēlä, “Ee

kəpath apɛi, kəc biï wət puəth yam aa bö.”

¹⁶ Ku acie raan ëbën yen cï Wət Puəth Yam gam. Acï Ithaya nhom guöp lueel ëlä, “Bëny yenja cï wëtta gam?”

¹⁷ Këya, keek aa wət kaŋ piŋ tuen ku jəlkə gam. Ku wət kënë aye piŋ tē piööc kəc rin Raan cï ləc ku dəc.

¹⁸ Ku ë yic alanden, keek aacï wət piŋ. Cimën cï ye gət athör thɛɛr wəl Nhialic yic ëlä, “Wəl cik lueel apɛi aacï thiëi piŋ. Wəl thuəŋden aacï yet pinynhom ëbën.”

¹⁹ Ku kəc Itharel guöp ë ŋickë. Mothith nhom ke jam nyin Nhialic, yen abï ye kaŋ lueel, “Wek wundiën Itharel, wek aaba cəl adəm tiɛl. Rin kəc cïi cək a wut, wek aaba cəl ariääk puəth rin kəc wun cïn kē cik deet.”

²⁰ Ku jam Ithaya nyin Nhialic, ku gɛi yic ëlä, “Yen acï kəc ke cïi yen wïc yök. Yen acï rot nyuəth kəc ke cie yen ë thiëc.”

²¹ Ku acï lək ɣo lən cï Nhialic ye lueel rin kəc Itharel ëlä, “Yen acä cin taar akəl thok ëbën tənë kəc dhəl yen, kəc cie wët dië ye piŋ.”

11

Nhialic ë ŋuäände nyuəth kəc Itharel

¹ Kē thiëc, cïi Nhialic kuc kacke? Acie tēde. Yen nhom guöp, yen ë raan Itharel, yen ë raan kuat Abaram, raan many Benjamin.

² Nhialic akēc kuc kacke, koc yen loc ke theer. Wek aa njc kāk cī gāt athör theer wël Nhialic yic, kääwäär ye Elija Nhialic cōl rin käreec cī koc Itharel looi,

³ “Bëny, keek aaci koc kākku tñj nõk ku thurkë ariäkku piny, ee yen raan tōñj kākku tñj cī dōñj, ku keek awickë bik ya nõk.”

⁴ Ku tē cī Nhialic ye bëer thñn tēnē ye akñn, “Ku yen aci rōör tiim kadhorou cōl arëer kek ya, rōör kēc jōñj cōl Baal ye koc kōk cōl aye Nhialicden kañj door.”

⁵ Ëmēn kē thōñj kek ē kēnē aci rot looi, Nhialic aci koc lik loc rin dhëñde.

⁶ Nhialic acie koc ē loc rin kāk cik looi. Rin na Nhialic ē koc loc rin kāk cik ke looi, ke nušt aci dhëñde ye nyuōth acñn.

⁷ Ku ē yic koc Itharel aa kēc kēnē yen wickë apeñj yök, ku aa koc ke cī Nhialic loc kek aaci ye yök. Ku Nhialic aci koc kōk looi bik kē ye lueel cī piñj.

⁸ Cīmēn cī ye gāt athör theer wël Nhialic yic ëlä, “Keek aaci Nhialic looi bik kãñj cī ye deet yiic agut cīt akölë, aacit koc cie piñj ku cōrkë.”

⁹ Ku aye Debit lueel, “Yen ee rōök tēnē Nhialic lōn bñ yen ke deep ku dōm keek yäiken yiic. Bik wīk bñ keek tēm awuōc.

¹⁰ Ku cōl Nhialic keek aa la nyñn dum bik ciēn kē yekē tñj.

Bñ kākken rēc yekē keek looi ciēt kãthiek kekōth.”

¹¹ Aluēl piändië ëbēn lōn na cōk alōn cī koc Itharel kecōk dēeny bik wīk, ke keek aa kēc gëek piny. Ku

rin cī kek adumuššom looi, ke kuəony Nhialic aci bēn tēnē koc cie koc Itharel. Kēnē aci rot looi rin bī tiēel koc Itharel nōk ē rienken.

¹² Ku rin cī koc Itharel adumuššom looi, ke koc kōk pinynhom aaci dōc. Ku rin kēc koc Itharel kepušth yiēk dhēl pīr, dōcdit aci gam tēnē koc cie koc Itharel. Ku bī dōc jāl dīt kēdē tē jəl koc Itharel met thīn.

Koc cie koc Itharel aabi kony

¹³ Kē luēel ēmēn ē kē lēk koc cie koc Itharel. Cīmēn ye ɣen atuny koc cie koc Itharel, ɣen abī nhiam luoi cī Nhialic yiēk ɣa ba looi.

¹⁴ Tēdē, ke ɣen abī koc kuaṭdiē cəl adom tiēel, ku rin luəidiēn ca looi, Nhialic abī koc kōk kony keyiic.

¹⁵ Tēwēn cī Nhialic kuc ke, go koc kōk pinynhom cəl aala dōr kek ye. Ku tē le koc Itharel gam aya, ka bī ciēt koc cī thou cī bēn pīr.

¹⁶ Na ɣem raan abaŋ ayup tēnē Nhialic, ka ayup ēbēn ē kēnē Nhialic aya. Ku na ye mei tim kāk Nhialic ke kēr aa kākke aya.*

¹⁷ Kēr kōk tim ye com cəl Olip aaci ɣep wei, ku nuet kēr Olip cil roor ē rot tēden wēn, ku jəl dīt apēi abī ciēt Olip ye com baai, ye ɣiēc muk apath. Kēya, wek koc cie koc Itharel kōk bēn tēnē koc Itharel, wek aa kāpath yōk thīn aya cīmēn ye kēr Olip piərden yōk tēnē Olip dēt cī ye nuet yekəu.†

¹⁸ Kēya, duškkē koc cī Nhialic ɣep wei cīmēn kēr tim ye bui. Acīn kēnē yī cəl anhiam, acie yīn meei looi bī riel, ee meei yen ē yī looi ba riel.

* **11:16** Paulo aluel kēnē bī nyuəoth lan koc Itharel aa ɣot ke ye koc Nhialic, cək alən cī kuəony gām koc cie koc Itharel ēmēn. † **11:17** Koc cie koc Itharel aa kāpath yōk tēnē koc Itharel cīmēn ye kuēl ayi aciēc piərden yōk tēnē tim cī yen cil yekəu.

19 Abi raan dēt kamkun lueel älä, “Kër aaci yep wei rin bi yo nuet nyienken yiic.”

20 Kënë ë yic. Aaci yep wei rin këc kek gam, ku dönkë nyienken yiic alanden rin ci wek gam. Ku duškkë nhiam ë kënä, riääckë kë bi bën.

21 Na këc Nhialic kɔc Itharel pušl bi ke ci tēm awušc, kɔc cit kër tim ci com baai ka cii we bi pušl aya.

22 Ayeku tiŋ emën yen tē peth Nhialic thün, ku tē yen kɔc tēm awušc thün. Ee kɔc ca adumušm looi tēm awušc. Ku ë piath tēnä yi tē ye yin rëer ke yi ŋöth piathde ku looi kāk ye cal apath pušu tēnä yi. Ku na cii kënä loi, ke Nhialic abi yi yep wei aya.

23 Ku na dhuk kɔc Itharel kepuöth ciëen ku gamkë wët Nhialic, ka dhuk tēden thēr wäär yep ke wei thün, rin alëu Nhialic bi ke ben dhušk thün.

24 Këya, wek kɔc cie kɔc Itharel wek aa cit kër tim Olip ci yep bei Olip cil roor kəu, ku nuëet ke kek tim Olip ye com. Kɔc Itharel aa cit tim ci com kënä, ku abi yic pial tēnä Nhialic bi kër ci yep wei ben nuëet kek tim yep ke bei thün.

Kɔc Itharel ëbën aabi kony

25 Ala yic këckë kaŋ ŋic wämäthkië wiëc ku bāk ŋic. Na ŋieckë ë yiny kënä, ka cāk bi ya tak piäthkun ku luelkë, “Ÿok aa ŋic kəŋ.” Ku yiny kënä akin. Wët ci kɔc kök Itharel kuc bik cii gëm acii bi tō thün akölaköl, abi rëer thün yet aköl bi akuën kɔc cie kɔc Itharel wic Nhialic bën bäänyde yic tēnä ye.

26 Ku ë yen tē bi Nhialic kɔc Itharel ëbën kuony thün, cimën ye athör thēr wël Nhialic ye lueel älä,

“Raan luäk kəc abı bën Jeruthalem ku nyεei adumuössm kəc Itharel gup.

²⁷ Ku lueel Nhialic, γen abı döör kënë looi ke keek, tē le γen adumuössmken nyaai.”

²⁸ Rin cı kek kuc Wēt Puəth Yam, aaci ya kəc ater tēnē Nhialic, ku kënë aci rot wel ke ye kuöony tēnē we, wek kəc cie kəc Itharel. Ku rin cı Nhialic ke ləc, aci wärken dıt thən lən kuatden aabi ya mähke akölaköl.

²⁹ Rin Nhialic acie yenhom ē waar tēnē kəc cı ləc ku döc ke.

³⁰ Ku wek kəc cie kəc Itharel, wek aa we cı kuc Nhialic wäthεεr, ku emēn wek aaci Nhialic ηuään rin cı kəc Itharel Nhialic dhöl.

³¹ Kälä aya, rin ηuēēn cäk yök, ke kəc Itharel aa dhäl Nhialic emēn, rin bı kek ηuēēn yök emēn aya.

³² Nhialic aci kəc ebēn cəl aa cıt kəc cı mac rin cı kek ye dhöl guöp, ku bı ηuäände nyuöth ke ebēn.

Yok aa dhil Nhialic leec

³³ Käpuəth Nhialic aa juēc apεi. Ku yeen acın kënë ye wuössη, anıc käh ebēn. Yenja lēu ye bı tē yen tek thın teet yic? Acın raan lēu ye bı tē yen kärke luöı thın deet yic.

³⁴ Cımēn ye athör thεεr wēl Nhialic ye lueel älä, “Acın raan ηic tē ye Bēny tek thın, acın raan lēu yeen bı Bēny wēēt?”

³⁵ “Acın raan lēu yeen bı Nhialic gäm kädäh, rin bı Nhialic yeen kööny.”

³⁶ Rin ē Nhialic yen ē cak kəriēēc ebēn, ku ē yen amuk kəriēēc ebēn, ku kəriēēc ebēn aa tō thın ē

rienke. ʎok aa dhil Nhialic leec akölrüëc ebën!
Yenakan.

12

ʎok aa pür rin bï ʎok Nhialic luöï

¹ Këya miëthakäi, rin cï Nhialic ʎo nyuöth lier ë piände, alëk we piändië ebën, të juër wek röt Nhialic bäk ciët kē nek ye, ku week ke we püür, ke we loi ë kënë bäk aa kärke alanden. Kënë yen ë dhël dhil wek Nhialic door wepuöth.

² Duökkë tē ye koc pinynhom ë tēn luui thīn ye buöth yic, calkë Nhialic awar wepuöth papot, bï we gām nom yam ku bäk kē wic Nhialic ŋic, ku kē wic Nhialic ë kēpeth ye cəl amit puö, ku le cök.

³ Ku rin dhëēj puath cï Nhialic yiëk ʎa, alëk we ebën. Duökkë ye tak lön ye wek kacdit wër koc kök ŋiny kån, tēn tē rëer wek thīn emēn wek koc ë path, ku ye ŋek rot tööu tēden thōj kek gam cï Nhialic yiëk ye.

⁴ ʎok aa le ŋek ke guöp, ku guöp ala käjuëc, ku kakkä aa ye tök la këden ye looi.

⁵ Kälä aya, ʎok aa juëc, ku ʎok aa cīt guäp tök rin ʎok aa tök kek Raan cï lóc ku dóc, ʎok aaci mat ë tök cimēn kāk cü thōj tō guäp tök yic.

⁶ Këya, ŋek kamkua adhil kē cï gām ye luöï tēcīt tē cï Nhialic ye gām ye bï looi. Na ye kē cï Nhialic gām ʎo lön bï ʎok wëtde lëk koc, ka dhilku looi tēcīt tē düt gamdan cï Nhialic yiëk ʎo thīn.

⁷ Na cï Nhialic ʎo cəl aye koc luöï, ka dhilku kony. Na cï ʎo cəl aye piöoc, ke ʎok aa piöc.

⁸ Na cī ʔo looi buk kɔc kɔk aa dɛɛt puəth, ka dhil looi këya. Raan kë tʂu kek ye tek kek kɔc kɔk, adhil looi puəñ biökruɛɛl. Raan cī Nhialic yiëk riɛl bī yen kɔc mac adhil looi puəu ëbën, ku raan lier puəu nyuəəth tənë kɔc kɔk, adhil looi ke dal, ke mit puəu.

⁹ Duəkkë röt ye nyuəəth ciët we nhiaar kɔc, dhielkë kɔc nhiaar puəu ëbën. Mankë kërac ku muəkkë këpath riɛl.

¹⁰ Nhiarkë röt piäthkun ëbën cīmën ɲek ke wämënh, ku nyuəəth tē ye yīn raan dët theɛk thīn, ku duk tē bī yī theɛk thīn yīk yīnhom.

¹¹ Duəkkë röt dak, luəəikë apɛi. Luəəikë Bëny piän tøk.

¹² Rëärkë we mit puəth tē cɔk kɔc kɔk we jöör rin le wek ɲəth, ku rəəkkë Nhialic akölaköl.

¹³ Gämkë kɔc cī gam kë wickë muəkkë liu tənë ke. Ku luərkë jööl bö bäaikun yiic.

¹⁴ Rəəkkë Nhialic rin bī yen kɔc jör we dɔɔc, ku duəkkë rəək tənë ye rin bī yen ke tēm awuəc.

¹⁵ Mier puəu kek kɔc kɔk mit puəth, ku dhiaaukë kek kɔc dhiau.

¹⁶ Calkë ʔer piändun athöŋ tənë kɔc ëbën. Duəkkë nhiam, dhuəkkë röt piny ku luəəikë tənë kɔc kor tənë we. Ku duəkkë ye tak lɔn ë wek ɲic kəŋ.

¹⁷ Na loi raan dët kërac tənë we, ke duəkkë col kërɛɛc dët. Loi kë ye raan ëbën tak ke path.

¹⁸ Luəikë kəpuəth lëukë ke bək ke looi rin bī wek ɲic ceŋ kek kɔc.

¹⁹ Duəkkë kədäŋ guur mäthkië, calkë aguur Nhialic. Rin aye Bëny lueel athör wël theer yic ëlä, “ʔen abī kërɛɛc cī kɔc kɔk looi guəör.”

²⁰ Duəkkē kēnē kəŋ looi, luəikē kē ye athör theer wəl Nhalic lueel, “Na raan aterdu anək cək, ke gäm miēth, na nək rou, ke gäm kē dek, rin tē looi yin kakkā ka ba cəl ayār guəp.”

²¹ Duəkkē kērac cəl arum wəpuəth, luəikē kēpath bī wek kərəc gəl wei.

13

Raan adhil kəc mac baai theek

¹ Week ebən wek aa dhil bāny məc baai theek rin acin raan kəc mac tē kēc Nhalic ye gam bī kəc mac. Ee Nhalic yen ē kəc yiək bāāny.

² Kēya, raan cie wət bēny məc baai ē gam, ee bāāny cī Nhalic gam dhəl yic, ku raan loi kē cīt kēnē abī tēm awuəc.

³ Rin bāny aacii kəc kəpath looi ye riəc, aa kəc kərəc looi kek aa riəc ke. Ye looi kēpath yen abī bēny yī aleec.

⁴ Rin yen aluui Nhalic kəpath kony yen yī, ku na loi kərəc, ke yī riəc ye rin riəl tō kek ye acii muk ē path. Rin bēny ē Nhalic luəi ku nyooth riäk puəu Nhalic, ku tēm kəc kərəc looi awuəc. Ee kəc awuəc looi cəl agum.

⁵ Kēya, wek aa dhil bāny theek ku acie rin ē wət kēnē rot, ku yeen aya aŋiəkē wəpuəth lən ē kē dhiəlkē looi.

⁶ Kēnē yen ē wət dhil wek ajuēr tāau piny aya, rin bāny aa luui tēnē Nhalic tē looi kek luəiden ē cök bīk kəc mac.

⁷ Tāau ajuēr piny ajuēr yen ba juaar tēnē ke, ku nyuəthkē athēkdun ebən tēnē bāny.

Kɔc aa dhil rɔt nhiaar ɛ kamken

⁸ Duɔkkɛ rɔt cɔl akɔɔny raan dɛt, kɛ tɔ thɪn ɛ tɔk yen adhɪl looi, ku ɛ kɛ bɪ wek rɔt nhiaar kamkun, ku raan nhɪar kɔc ɛbɛn ɛ kɛ wɪc lɔŋ yen aye looi.

⁹ Lɔɔŋkɛ, “Duk akɔr loɪ, duk raan nɛk, duk cuɛɛr, duk kɛnɛ raandɛ wɪc yɪpuɔu,” lɔɔŋkɛ ku lɔɔŋ kɔk aa mɛt lɔŋ tɔŋ ye lueel ɛlɛ, “Yɪn adhɪl kɔc ɛbɛn nhiaar cɪmɛn nhɪɛr yɪn rɔt.”

¹⁰ Raan nhɪar raan dɛt ka cɪn kɛrɛɛc ye raan kɛnɛ looi tɛnɛ ye. Kɛya raan nhɪar kɔc kɔk, ɛɛ kɛ wɪc lɔŋ yen aye looi.

¹¹ Wek aa dhil kɛnɛ looi rin aŋɪɛckɛ lɔn akɔl dhil wek nhɪim tɪr acɪ bɛn. Rin akɔl bɪ Nhɪalɪc ɣo kony acɪ thɪɔk ɛmɛn tɛn tɛwɛɛr tuɛŋ ɣɛm ɣok wɛt.

¹² Acɪt lɔn nadɛ ke wakɔu athɔk ku akɔl abɔ, pɛlku kɛrɛc yeke looi muɔɔth yɪc wakɔu, ku kɛya lɔmkɛ kɛk bɪ ɣo cɔl apɪr apath akɔl bɪ Jethu dhuk.

¹³ ɣok aa dhil rɔt mac apath cɪmɛn kɔc ɛ rɛɛr ɣɛr yɪc akɔl cɪn kɛ yekɛ thɪaan. Wek aacɪi rɔt mɛt akut luui kɛrɛc yɪc, kɛrɛc cɪmɛn wɪɛɛt ɛ mɛɛu ku wɪny ɛ dɪɛɛr. Ku duɔkkɛ atɛr ye looi ku tɪɛlkɛ rɔt kamkun.

¹⁴ Lɔmkɛ Bɛny Jethu Krɪtho, bɪ thɪɛɛk ke we. Duɔkkɛ wɛpuɔth ye yɪɛk kɛk we cɔl aloi ad-umuɔɔm, bɛk kɛnɛ yen wɪc pɪɛndun looi.

14*Duk kɔc kɔk cɪ gam luk wei*

¹ Gamkɛ raan koor gamde bɪ rɛɛr ke we, ku duɔkkɛ ye teer ke ke kɛk yekɛ tak, kɛk cɪi ril.

² Gam raan dɛt, ɛɛ ye cɔl acam kuat miɛth ɛ path, ku raan koor gamde acɪn kuat rɪŋ ye cuɛt.

³ Ku raan cĭn kĕn ye yen ke kuc bĭ cam, acĭi raan kuc mĭith kĕk dhāl guōp. Ku raan kuc mĭith kĕk acĭi raan cĭn kĕn ē yen kuc bĭ cam ye yōōk lōn ē yen kĕrac looi, rin kĕ ye raan cĭn kĕn ye yen kuc looi acĭ Nhalic gam.

⁴ Ye yĭn ē ŋa, ba kĕ cĭ alony raan dĕt looi, lueel ke yic, tĕdĕ ke cie yic? Ee wun alony yen alĕu ye bĭ lueel lōn le aluōnyde cōk ku lōn cĭi yen la cōk. Ku yen abĭ la cōk rin abĭ Bĕny cōl ala cōk.

⁵ Aye kac kĕk tak lōn ala akōl dĭt tĕnĕ aakōōl kĕk, ku aye kac kĕk tak lōn akōōl aa thōŋ ēbĕn. Nĕk adhil kĕ ye yen ye tak kĕya ŋic apath.

⁶ Raan kĕn looi aye looi rin wĭc yen Bĕny bĭ theek. Ku raan cĭn kĕnĕ ē yen ke kuc bĭ cam, aye looi rin wĭc yen ye bĭ athĕĕk nyuōth tĕnĕ Bĕny, rin ē Nhalic leec rin miĕth. Ku raan kuc bĭ mĭith kĕk cĭi cam aye looi kĕya rin athĕĕk tĕnĕ Bĕny, ku athĕĕk gām Nhalic.

⁷ Acĭn raan tōk kamkua pĭr riēnke ē rot, ku na thou raan acie thou riēnke ē rot.

⁸ Na pĭirku ke rin Bĕny, ku na thouku, ke rin Bĕny aya. Tĕ pĭir ŷok ayĭ tĕ thou ŷok, ke ŷok aa kac ē Bĕny.

⁹ Rin Raan cĭ lōc ku dōc acĭ thou ku jōt rot bĭ pĭr rin bĭ yen a Bĕny kac pĭr ku kac cĭ thou.

¹⁰ Ku kĕya, yeŋō ye wek miĕthakun luōk wei, tĕdĕ ke dhāl kĕ gup, rin ŷook ŷodhie ŷok aabĭ kōōc Nhalic nhom luk yic akōldā.

¹¹ Cĭmĕn ye athōr thĕēr wĕl Bĕny cĭ gōt ye lueel ēlā,

“Cĭmĕn pĭir ŷen ayic, aluēel alanden lōn raan ēbĕn abā door.

Ku abĭ raan ēbĕn lueel lōn ye ŷen Nhalic.”

12 Këya, ηεκ γoyiic abī Nhialic ya tēt këden cī looi, ku ye rin ηō yen looi yen ye.

Duk kac cī gam thöoc adumuööm yic

13 Yok aacii röt dhil tēm awuöc kamkua, ku duk kë bī raan dēt cöl aloi awuöc loi.

14 Ku rin ye yen raan buöth Bëny Jethu anjiec alanden lön acin miëth rëëc yetök ë rot. Ku na gem raan lön miëth arac, ka rac tënë ye.

15 Na cöl wämuuth arac puöu rin ciem yin miëth ye tak lön rëec yen, ka ye kë loi nyuöth lön yeen acii nhjar. Ku duk wämuuth cī Raan cī lóc ku döc thou rienke rëc miëth ye cam.

16 Duk tē ye yin kakkun path luösi thün cöl aye kac kök tak lön rëec yen.

17 Rin bääny Nhialic acie cäm ku dök, ee la cök ku döör ku miët puöu ye Wëi Nhialic gam.

18 Ku kuat raan, Raan cī lóc ku döc luösi këlä ë Nhialic cöl amit puöu, ku cöl raan ëbën agam këden ye looi.

19 Këya, adhilku them buk käk kac këëk nyaai ku loiku käk kac kök kony bīk riël gamden yic.

20 Na ye këya, duk kë cī Nhialic looi rëc rin miëth, müith aa path ëbën. Ku na ye raan dēt cöl aloi adumuööm rin kë ye cam, ka cii path.

21 Këpath akün, duk riñ cuet ku duk möu dek, ku duk kuat kë bī wämuuth cöl aloi adumuööm loi.

22 Këya, kë ye tak ke path ë kakkä, muk kamkun wek Nhialic. Na cii raan ye lueel lön kë cī looi awuöc, tē looi yen kë ye tak ke ye yic, ke yeen amit puöu.

23 Ku na ye raan puöu rou tē cem yen kuat müith kök, ka ye Nhialic cöl aye kërac yen looi tē cem yen

ye, rin acie gam yen cɔl ye aloi ë kënë. Ku na yeku kədän looi ëbën ke cïn gam, ke yeen adumuööm.

15

¹ Ƴok kɔc ril ë gamda yic, Ƴok aadhil kɔc cïi ril kony bik la tuen kek gamden apath, ku acie kënë yo cɔl amit puöth yen dhilku aa looi.

² Nɛk Ƴoyiic adhil wämäätndan cï gam luöi këpath, kë bi yeen cɔl amit puöu. Ƴok aa dhil kënë looi rin bi Ƴok gamde cɔl adhil riël.

³ Rin Raan cï lɔc ku dɔc akëc kë cï looi looi rin bi yen ke puöu miët, cïmën ye athör thɛɛr wël Nhialic ye lueel ëlä, “Wäär let yi, lëët aaci bën aa kãkkië.”

⁴ Këriëc ëbën cï gõt athör thɛɛr wël Nhialic yic ë Ƴo piöc, rin wël thɛɛr Nhialic aa Ƴo cɔl anöth, ku aa Ƴo deet puöth.

⁵ Bi Nhialic yen kɔc cɔl agum, ku deet kepuöth we yiëk döör kamkun, cïmën ye wek kɔc buöth Raan cï lɔc ku dɔc Jethu.

⁶ Rin week ëbën bæk Nhialic wun Bányda Jethu Kritho aa leec.

Wët Puöth Yam aci lëk kɔc cie kɔc Itharel

⁷ Nhiarkë röt kamkun rin bi kɔc ëbën Nhialic leec, luöikë kënë cïmën tã cï Jethu we nhiaar thïn.

⁸ Rin alëk we lɔn cï Raan cï lɔc ku dɔc a raan luui kɔc Itharel, ku nyuth ke lɔn kë cï Nhialic lueel ë yic, rin bi kãk cï thön wärkuan dīt aa yith.

⁹ Ku dët aya, bi kɔc cie kɔc Itharel cɔl aa lec Nhialic rin lier piände, cïmën cï ye gõt athör thɛɛr wël Nhialic yic ëlä, aci Bëny Debit lueel, “Këya, tã rëër Ƴen kam kɔc cie kɔc Itharel ke wek ba gãm lec.

Ku waak alεεc aba ket tənē yīin.”

¹⁰ Ku ben athör thεεr wël Nhialic lueel ëlä,
“Mietkë puəth wek kəc cie kəc Itharel kek kəc cī
Nhialic ləc.”

¹¹ Ku ben athör thεεr wël Nhialic lueel aya,
“Wuöt ëbën aa dhil Bëny leec,
ku kəc ëbën aa dhil ye leec apɛi.”

¹² Ku ben Ithaya lueel athör thεεr wël Nhialic yic
ëlä,
“Ala raan many Jethe wun Debit bī bën.
Abī Nhialic looi bī ya Bëny kəc cie kəc Itharel.
Ku n̄äthden abī tō tənē yeen.”

¹³ Bī Nhialic n̄əth b̄ëi ku cəl we athiäŋ miεt puəu
dīt apɛi ku d̄öör, cīmën ye wek ye gam bī Wëi Nhialic
we cəl aala n̄əth dīt apɛi.

Luəi Paulo kam kəc cie kəc Itharel

¹⁴ Wämäthkiën cī gam, γen nhom, an̄iεc alanden
lən week nhīim wek aa path apɛi, wek aa n̄ic kē bāk
dhiel looi ku alεukē bāk röt piəöc kamkun.

¹⁵ Wek aca gät athöör puəu ëbën ke cīn kē
muəony rin kāk wiεc ba ke b̄en l̄ek we, rin dh̄ëəŋ
cī Nhialic gām γa,

¹⁶ ba ya raan luui Jethu Krītho, ba luui rin kəc cie
kəc Itharel. γen ë luəi kāk raan Nhialic looi t̄ë l̄ek
γen kəc Wēt Puəth Yam. Rin bī kəc cie kəc Itharel
ciēt kē cī Nhialic door, kē cī Nhialic gam apɛi. Ku bī
Wëi Nhialic ke cəl aye kacke.

¹⁷ γen anhiam luəidiën ya luəi Nhialic, rin cī γen
mat kek Raan cī ləc ku d̄əc Jethu.

18 Үен абі jam käk cī Raan cī lōc ku dōc cōl aluōi
 ē rōt, käk ya lueel ku käk ya looi aacī kōc cie kōc
 Itharel cōl athek Nhialic,

19 rin kārīl ku käk kōc gōi, cī Wēi looi dhēl ril.
 Kēya, Үōn ca ke tēēk ēbēn jāl Jeruthalem ku wun cōl
 Dalmatia, Үен acī kōc lēk Wēt Puōth Yam rin Raan
 cī lōc ku dōc.

20 Kēn yen tō Үapuōu ē tōk ē path, ee lōn ku ba kōc
 lēk Wēt Puōth Yam tē kēc rin Raan cī lōc ku dōc kaṅ
 piṅ thīn, rin bī ye cīi luel lōn ye yen luoi cī kōc kōk
 jōk yen luōi.

21 Cīmēn cī ye gōt athōr thēer wēl Nhialic yic ēlā,
 “Kōc kēc kaṅ lēk wētde abīk tiṅ.
 Ku kōc kēc ye piṅ abīk deet yic.”

Awic Paulo bi la keny Roma

22 Ku rin ē wēt kēnē, aca them ku Үен acī pēēn
 arak juēc ba la tēnē we.

23 Ku ēmēn cī Үен kē luōi thōl tē rēer Үен thīn tēn,
 ku tēҮōn wic Үен ye run juēc ba we la tiṅ,

24 aṅāāth ba jāl looi ēmēn. Ku ēmēn le Үен Ith-
 peen, wek aa bar ba we tiṅ. Ku awiēc bāk Үa kony
 ba Үet thīn, tē cī Үен kaṅ rēer ke we tēthin-nyōt.

25 Ēmēn thiin Үен ala Jeruthalem ba kuōny la
 gam tēnē kōc Nhialic rēer thīn.

26 Ku akuut kōc cī gam tō Mathedonia ku Gīrik
 aacī puōth miēt, ku matkē bīk wēēu juaar tēnē kōc
 ṅōṅ kam kōc Nhialic tō Jeruthalem.

27 Kek aa mat yeyic ē rōt bīk looi kēya, ku ē yic
 keek aa dhil kōc ṅōṅkā kony. Kōc Itharel aa kāpuōth
 yekē yōk tēnē Nhialic rin wēiken rōm kek kōc cie
 kōc Itharel. Kēya, kōc cie kōc Itharel cī gam aa dhil

kəc Itharel cī gam kony bīk ke yiək kāk yekē wic akōlakōl rin piērden.

²⁸ Tē cī γεν kēnē thōl, ba ke gām wēēu ke cī kuōöt yiic riēnken, ke γεν abī la Ithpeen, ku wek aaba kaŋ neem ba jāl la Ithpeen.

²⁹ Tε yeet γεν tēnē we, aŋiēc γεν abī dōcdīt Raan cī ləc ku dəc la rəm ke we.

³⁰ Rin gamda tēnē Bēny Jethu raan cī kəc ku dəc, ku rin nhiēr cī Wēi Nhialic gām γo, wek aa ləŋ mātķē rōt γεν aterdiē yic bāk rōök kek γεν apei tēnē Nhialic riēnkiē.

³¹ γεν arōök bī kəc Judia kēc wēt Jethu Krītho gam γεν cīi baŋ, ku bī kəc Nhialic tō Jeruthalem puōth miēt bīk ķē ca looi bī γεν ke kony gam.

³² Ku ķēya, na wic Nhialic, ke γεν abī bēn tēnē we ke miēt puōu, ku mitku puōth nēm bī γo bēn puōc.

³³ γεν arōök bī Nhialic yen ye γok dōör yōk thīn, rēer kek we ēbēn. Yenakan.

16

Paulo ē kəc Roma muōōth

¹ Awiēc ba lēk we, lən nyankāida Pobī luui akut kəc cī gam Kankēria ē raan path.

² Luorkē cimēn raan Bānyda, ku cīt tē ye kəc Nhialic rōt luor thīn kamken, ku yiēkkē kuat kuōny bī thiēc tēnē we. Yeen ē path tēnē kəc juēc, ayī γεν aya.

³ γεν ē Prithkila ku Akuila, kəc cī rōt māt γa buk luui rin Jethu raan cī ləc ku dəc, muōōth apei,

⁴ kəc kēc diēer ķē bī ke nōk riēnkiē. γεν amit puōu tēnē ke apei. Ku acie γεν ē rot, akuut kəc cie kəc Itharel cī gam aa mit puōth aya.

⁵ Үен акут кɔc cї gam, yenhom mat panden, muõõth aya.

Үен ẽ mǎthdië Epanetuth, raan cї Raan cї lɔc ku dɔc kaŋ gam wun Athia,

⁶ ku Maria raan cї luui apei rienkun, aaca muõõth aya.

⁷ Andronikuth ku Junieth, kɔc Itharel cimëndië, wäär cї mac ke ya aaca muõth aya. Keek aa ŋic apei rin ye kek atuuc aya, ku kek aake kɔŋ gam tēnē ya.

⁸ Miǎthdië tēnē Ampliatuth, yeen ẽ mǎthdië apei, ku yeen aci rot mǎt Bēny.

⁹ Muõth tēnē Urbano, raandan lui rin Raan cї lɔc ku dɔc. Ku muõth aya tēnē mǎthdië apei, Ithakith.

¹⁰ Muõth tēnē Apeleth, raan cї tē kēec yen thīn kek Raan cї lɔc ku dɔc nyuõõth kārīl yiic. Ku muõth tēnē kɔc many Arithtobuluth.

¹¹ Muõth tēnē Үërodiön raandan Itharel ku wāmǎthakua, kɔc cї gam many Narkithuth.

¹² Miǎthdië tēnē Tripina ku Tripotha, diäär cї luui rin Bēny ku tēnē mǎthdië apei Perthith raan cї luoidit looi rin Bēny.

¹³ Үен ẽ muõth tuõc Ruputh raan ŋic luõide apei rin Bēny ku tēnē man, raan Үен kony akōlakōl ciët ya ye manhde.

¹⁴ Miǎthdië tēnē Athinkrituth, Plegon, Үermath, Patrobath, Үermath ku wāmǎthakua ẽbēn cї gam rēer ke ke.

¹⁵ Muõth tēnē Pilologuth ku Julia ku tēnē Nerioth kek nyankēn, ku tēnē Olimbath ku tēnē kɔc cї gam rēer kek ẽ tōk.

16 Miäthkë röt kamkun puşu ebën. Akuut koc cî gam ebën aa we tuşc miäthden wek akut koc cî gam Roma.

Paulo ë koc tö Roma lëk kë dhilkë looi

17 Wek aa lëk apeî wämäthkië bäk nhïim tîr koc ë koc tek yiic, ku rëckë koc nhïim bik gamden cïi muk apath, koc cïi pişşcden ë thöŋ kek tē cî we pişşc thîn, duşkkë röt ye thiäk ke.

18 Rin koc kakkä looi aacie luui rin Raan cî lóc ku dıc Bányda, aa lui rienken ë röt. Aa wël mit apeî lueel, ku aa koc cîn käreç yekë ke looi wëeŋ.

19 Acî raan ebën piŋ yen tē muk wek wēt yam cäk gam thîn. Këya wek aa ya cöl amit puşu apeî. Awieç bäk kăpath ku käreç kaŋ ŋic, ku bäk kăpath aa ŋic ku duşkkë röt cöl aaye tşu luoi kërac yic.

20 Ku Nhialic yen ye yok dşşr yök thîn abi riel jŋŋrac rac, ku cöl adhuk wecök ciëen.

Yen arşşk bi Bányda Jethu raan cî lóc ku dıc la tuen ke nyuth we dhëeŋde.

21 Timothî, raandiën luui yok ë tők, ee we tuşc miäthde, ku yen lan Lukiöth, Jathon ku Thothipater kockiën Itharel.

22 Yen Tertiath, yen raan ya gät wël cî Paulo lueel athör kënë yic, wek aa ya tuşc miäthdië ke ya ye raan cî gam aya.

23 Gaiöth, raan rëer yen paande, ku yen ye akut koc cî gam rşm thîn, ee we tuşc miäthde. Er-atuth, raan wëeu mir (akuma) meç geu muk ku wämääthda Kuartuth, aa week tuşc miäthden.

[

²⁴ Bī dhēēŋ Bānyda Jethu raan cī lɔc ku dɔc rēer kek week ēbēn. Yenakan.]

Paulo ē lɔc gam tēnē Nhialic

²⁵ Lecku Nhialic bī we looi bī gamdun riɛl. Yen ē kē ya lueel tē lēk ɣen kɔc Wēt Yam rin Jethu raan cī lɔc ku dɔc, ku ē yen acī yic cī moony run juēc apeɪ nyuɔɔth.

²⁶ Ku emēn kāk cī kɔc kāk Nhialic tīŋ gōt aacī yiny kēnē cɔl aŋic kɔc juēc, acī Nhialic tō thīn tēɣon ku abī rēer thīn athɛɛr lueel bī wuōt pinynhom ēbēn yic kēnē dhiel ŋic. Kēya, rin bī kɔc ēbēn Nhialic gam ku thekkē.

²⁷ Tēnē Nhialic tōk, Nhialic kēriēec ēbēn yic, yen ŋic kǎŋ, aa leec. Kēnē adhil rot looi akōlriēec ēbēn rin kē cī Jethu raan cī lɔc ku dɔc looi. Yenakan.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022

d94b9d26-33ff-5c4e-819f-5bfe86ac9e55